



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

IZVJEŠTAJ O RADU

UDRUŽENJA PSIHIJATARA U BOSNI I HERCEGOVINI

za period novembar 2016. - oktobar 2017.

A. UVODNE NAPOMENE

U ovom izvještaju, kojeg je pripremio **Generalni sekretar** Udruženja psihijatara u Bosni i Hercegovini (**UPuBiH**), *prim. dr Goran Račetović*, izneseni su rezultati rada u periodu između dvije Generalne Skupštine Udruženja, odnosno za period **novembar 2016 - oktobar 2017**.

U proteklih godinu dana fokusirali smo se na realizaciju aktivnosti iznesenih u dvogodišnjem *Planu aktivnosti UPuBiH (2015-2016)*, koji je prezentovan na Generalnoj skupštini UPuBiH održanoj u Sarajevu 2016. godine i *Planu rada UPuBiH (2017 – 2017)*, koji će biti iznesen na Generalnoj skupštini UPuBiH u Banjoj Luci 2017. godine.

Ovaj Izvještaj sastoji se iz **pet** (5) komponenti:

1. **PROMOCIJA I ČLANSTVO** u UPuBiH
2. **STRUČNI SKUPOVI** u Bosni i Hercegovini
3. *Svjetska psihijatrijska asocijacija-WPA i UPuBiH*
4. **SARADNJA** sa drugim asocijacijama psihijatara
5. **INFORMISANJE** članstva i javnosti



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

B. IZVJEŠTAJ O RADU UPUBiH 2016-2017

1. PROMOCIJA I **ČLANSTVO** u UPUBiH

I tokom prethodnog perioda, nastavili smo sa aktivnom promocijom našeg Udruženja u zemlji, ličnim ili službenim inicijativama, na stručnim događajima u zemlji i okruženju. Tako je u 2017. godini primjetan značajan rast broja članova te ih je do 31.10.2017. bilo **145**, što predstavlja porast u odnosu na prošlu godinu za oko 55%. Kao i ranijih godina, UPUBiH je okupilo sve profesore i docente bosansko-hercegovačkih Medicinskih fakulteta (Sarajevo, Banja Luka, Tuzla, Foča i Mostar), ali i načelnike/direktore gotovo svih Klinika, Zavoda, Instituta, te bolničkih odjeljenja, kao i najvećeg broja Centara za mentalno zdravlje u BiH. Udruženje je dobilo i dvadesetak novih članova, te je veoma signifikantan orast broja kolega na specijalizaciji i mladih psihijatara (60), a Udruženje je dalo nekoliko preporuka mladim kolegama za internacionalne edukativne cikluse (posebno ističemo da je mladi kolega na specijalizaciji iz Zavoda za bolesti ovisnosti Kantona Sarajevo bio izabran za pohađanje prestižnog internacionalnog online kursa koji je finansijski podržala Svjetska psihijatrijska asocijacija).

Svaki novi član dobio je informacije o **relevantnim dokumentima UPUBiH** (Statut, Izmijenjeni i dopunjeni Statut, Poslovnik o radu Skupštine i Pravilnik o radu Suda časti UPUBiH) koji su članovima UPUBiH, uz najbitnije etičke dokumente dostupni na web stranici Udruženja, uz Dopune Statuta iz 2010, kao i Izvještaji o radu UPUBiH (2010-2016). Godišnja sjednica Generalne skupštine UPUBiH održana je u Sarajevu, 2016. godine.

2. **STRUČNI** SKUPOVI u BOSNI I HERCEGOVINI

U ovom segmentu osvrnućemo se na organizaciju i koorganizaciju drugih skupova psihijatara u BiH.

a. UPUBiH je u 2017. godini nastavilo sa **koorganizacijom** drugih skupova u BiH. Prvi od njih je **Jedanaesti Simpozij biološke psihijatrije/psihofarmakologije BiH**, organizovan od strane *Udruženja za biološku psihijatriju/psihofarmakologiju u Federaciji BiH (UBPPFBiH)*, čiji je UPUBiH koorganizator već osam godina zaredom, sa aktivnim učešćem predavača iz UPUBiH i pravovremenim i potpunim obavještanjem svih članova UPUBiH ali i drugih profesionalaca iz oblasti mentalnog zdravlja u zemlji i regionu o ovom značajnom stručnom skupu u našoj zemlji. Simpozijum se održao u *Sarajevu, u septembru 2017.* i bio je međunarodnog karaktera, okupivši oko 60 učesnika iz cijele zemlje, koji su najvećim dijelom i članovi UPUBiH. Posebno smo zahvalni Predsjedniku UBPPFBiH, *prof. Almi Bravo-Mehmedbašić*, kao i ostalim članovima



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

Organizacionog odbora i rukovodstva UBPPFBiH, što je članovima UPuBiH i na ovogodišnjem Simpozijumu olakšano učešće *redukovanjem iznosa kotizacije za 50%*, kao i prethodnih godina.

U Mostaru smo bili koorganizator tradicionalnog Simpozijuma **Četrnaesta Mostarska psihijatrijska subota**, koji se održao početkom *juna 2017.* godine. I ove godine smo imali izvrsnu saradnju u koorganizovanju ovoga skupa saradnjom sa *glavnim organizatorima, mostarskim Medicinskim fakultetom i Klinikom za psihijatriju SKB Mostar.* Osobito nam je drago jer su svi predavači iz BiH članovi UPuBiH, a Generalni sekretar UPuBiH glavni nosioc logističke pomoći organizovanju i održavanju ovog značajnog regionalnog simpozijuma sa međunarodnim učešćem, koji je imao tradicionalno dobru posjećenost (**180 učesnika**).

Tokom novembra 2016. godine održan je tradicionalni godišnji simpozijum našeg Udruženja, XV Psihijatrijski dani Bosne i Hercegovine, koji je imao međunarodni karakter i na kome je najveći dio učesnika (od preko 150) iz redova UPuBiH. Na ovome simpozijumu naši članovi imali su popust na kotizaciju u iznosu 50-75% a Simpozijum je održan od patronatom Evropske psihijatrijske asocijacije, uz održavanje EPA kursa, kao nastavka dobre saradnje sa EPA, te je bio kosponsorisani događaj od strane Svjetske psihijatrijske asocijacije. Ovaj izvještaj prezentovaće se na Generalnoj skupštini UPuBiH tokom IV Kongresa psihijatara Bosne i Hercegovine, za koji se u vrijeme pisanja izvještaja obavljaju završne pripreme. Kongres će biti održan u Banjoj Luci u periodu 16. – 19. novembar 2017. i ima široku podršku domaćih i internacionalnih institucija, udruženja i organizacija.

3. SVJETSKA PSIHIJATRIJSKA ASOCIJACIJA-WPA i UPuBiH

Udruženje psihijatara u BiH (UPuBiH) nastavilo je sa aktivnom saradnjom sa **Svjetskom psihijatrijskom asocijacijom (WPA)**, kao jednim od važnih ciljeva internacionalne promocije Udruženja, ali i bosanskohercegovačke psihijatrije izvan regionalnih okvira. To je svakako i prepoznato u toj krovnoj asocijaciji nacionalnih psihijatrijskih asocijacija, **čiji je UPuBiH punopravan član, zajedno sa još 145 asocijacija iz 122 države svijeta.**

Članarina za WPA uplaćena je pravovremeno za 2016 i 2017. godinu, čime je potvrđen status svakog člana UPuBiH kao člana WPA. U toku 2016. i 2017. godine, na osnovu poslaničke dokumentacije iz WPA dali smo mišljenje o **saglasnosti za aplikaciju** nekoliko asocijacija za status punopravnih ili pridruženih članica WPA. Kao ranije ustanovljena odluka, i u 2016./2017. godini, nastavili smo sa redovnim **obavještavanjima Zonalnog Predstavnik**a WPA za našu Zonu, Zonu 9, *doc. dr sc. Stojana Bajraktarova* iz Makedonije o našim aktivnostima u zemlji i van nje, transparentno prema WPA, Zoni 9 WPA i članstvu UPuBiH, i od njega smo dobili usmene pohvale, uz redovna Zonalna obavještavanja. Posebno smo radosni jer smo redovno



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

davali **kontinuirani doprinos** segmentu WPA, **WPA Media Channels**, naročito u dijelu **WPA News**, u kome su članovi svih asocijacija mogli pročitati izvještaje sa zbivanja u BiH. Elektronske primjerke WPA News smo redovno distribuisali svim našim članovima, kao i oficijalni časopis WPA, **World Psychiatry**. Članovi UPUBiH se kontinuirano podstiču na učlanjenje u neku od sekcija WPA, sa tendencijom našeg šireg uključivanja u rad WPA.

WPA je podržala održavanje godišnjeg simpozijuma UPUBiH, XV Psihijatrijski dani BiH i odobrila ko-sponzorstvo našem najznačajnijem skupu u 2016. godini, a takođe i snažno podržala i IV Kongres psihijatar Bosne i Hercegovine dodjelom kosponzorstva i WPA Educational Credits (15 bodova). Tokom Generalne skupštine WPA u Berlinu (10. oktobar 2017) naš delegat je imao intenzivne razgovore sa brojnim predstavnicima nacionalnih asocijacija, svim oficirima WPA i novoizabranim rukovodiocima WPA, te kontinuirano promovisao Kongres u Banja Luci (flajeri, prezentacije, lični kontakti).

4. SARADNJA sa DRUGIM ASOCIJACIJAMA PSIHIJATARA

U ovom dijelu izvještaja osvrnućemo se na saradnju sa Evropskom psihijatrijskom asocijacijom (EPA), s jedne, i drugim regionalnim asocijacijama psihijatar, s druge strane.

a. UPUBiH je tokom 2016. imalo izuzetno aktivnu ulogu u saradnji sa EPA, na više polja, a prije svega kroz EPA Savjet Nacionalnih asocijacija/Društava psihijatar: imali smo delegata na sastanku EPA NPAs Council-a u Berlinu (DGPPN 2016), kao i u 2017. u Firenci (EPA Kongres) i Berlinu (WPA Svjetski kongres), delegata na Vanrednoj i Generalnoj skupštini EPA (Firenca, 2017.). Na EPA Kongresu prisustvovali su članovi UPUBiH, sa aktivnim učešćem u različitim dijelovima Naučnog programa. Godišnju članarinu za EPA (2016, 2017 i 2018) uplatili smo pravovremeno. Osim toga, EPA je odobrila patronat XV Psihijatrijskim danima kao i akademski KME EPA kursa tokom simpozijuma, kao dijela intenzivne međusobne promocije UPUBiH i EPA i naših aktivnosti, te podržala naše napore oko sve intenzivnije vidljivosti UPUBiH na evropskoj psihijatrijskoj sceni. EPA je takođe odobrila i patronat IV Kongresu psihijatar Bosne i Hercegovine i još jedan akademski kurs koji se treba održati u sklopu Kongresnog programa. EPA NPAs Simpozijum, koji je takođe odobren i podržan da se održi u Bosni i Hercegovini tokom IV Kongresa je u zajedničkom dogovoru sa Predsjednicima EPA i EPA NPAs prolongiran za naredni nacionalni događaj našeg Udruženja. Učestvovali smo i u drugim EPA aktivnostima usmjerenim ka udruženjima psihijatar koja su članice EPA.

b. Svakako da nismo zanemarili saradnju sa **regionalnim asocijacijama psihijatar**. Kontinuitet saradnje sa **Hrvatskim psihijatrijskim društvom** i **Udruženjem psihijatar Srbije** je nastavljen, uz poziv predavača iz redova UPUBiH na značajnije skupove u Srbiji ili Hrvatskoj, kao i participacijom članova UPUBiH na njihovim stručnim skupovima, sa dvosmjernom



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

putanjom, dolaskom i učestvovanjem pozvanih predavača iz nama susjednih zemalja na skupovima u BiH. Naročito smo bliske kolaborativne veze izgradili sa Makedonskom psihijatrijskom asocijacijom, te je po rvi put u sklopu naših događaja planirano učešće velikog broja kolega iz Makedonije.

Nastavili smo započete bliže veze i aktivnu participaciju u radu regionalne Asocijacije zemalja Istočne Evrope i Balkana (PAEEB) i ostalim regionalnim i međunarodnim asocijacijama, kroz međusobnu promociju (informacije o IV Kongresu su objavljene na dvadesetak različitih internetskih stranica).

5. INFORMISANJE **ČLANSTVA** i JAVNOSTI

Ovaj, završni dio Izveštaja o radu UPUBiH, obuhvatiće informacije o web stranici Udruženja, kontinuitet obavještanja članova UPUBiH i informisanje javnosti u BiH o UPUBiH i drugim pitanjima relevantnim za razvoj mentalnog zdravlja u našoj zemlji.

a. Kontinuirano smo obogaćivali sadržaje **web stranice UPUBiH**, www.upubih.com, kao važne karike informisanja o UPUBiH ali i njegove šire promocije. U sklopu kooperacije i dogovorene promocije ostalih udruženja redovno smo postavljali i informacije o njihovim događajima, radi bolje informisanosti naših članova i njihovog uključivanja i učestvovanja na različitim međunarodnim stručnim događajima. **UPUBIH samostalno finansijski održava održavanje stranice**, već drugu godinu zaredom. Svakako da će sadržaji web stranice biti obogaćivani i dalje, za šta će nam trebati **angažman svakog od članova UPUBiH**.

b. Kao i u posljednje četiri godine, i u 2015. nastavili sa **redovnom i transparentnom informisanošću svih** naših članova o svim relevantnim zbivanjima u BiH i svijetu, uz omogućavanje dostupnosti člancima iz više časopisa (*World Psychiatry, ESCAP Journal, European Psychiatry, Early Interventions in Psychiatry*, i drugi), redovno smo slali dopune ranijih obavijesti o zbivanjima u psihijatriji ili o novije najavljenim događajima u 2017. godini. Tradicionalno, krajem 2016. godine svaki član UPUBiH dobio je pristup **Listi internacionalnih događaja za 2017**, na web stranici Udruženja, sa oko 30 važnijih događaja u Evropi i u svijetu, uz stalne dopune i već najavljenih događaja ili najave onih koji su van te liste. Tako su naši članovi mogli pravovremeno planirati svoja učešća na ovim događajima i tokom godine je UPUBiH imao svoje predstavnike/učesnike na većini tih događaja, sa nizom aktivnih učesnika, koji su prezentovali svoja postignuća iz prakse u BiH. Sa tom praksom svakako planiramo nastaviti, a Lista za 2018. se dovršava i priprema za slanje članovima UPUBiH. Taj način komunikacije sa članovima pokazao se tradicionalno dobrim i jedinstvenim u našoj regiji, te je jedan od važnih činilaca popularnosti UPUBiH među psihijatrima u BiH.



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

O našim aktivnostima pravovremeno smo **obavještavali ili su o UPUBiH aktivnostima izvještavali pisani i elektronski mediji** (TV i druge novinske kuće), a za događaje u BiH smo formirali i najave događaja preko internetske društvene grupe *Facebook*.

c. Kao od prethodnih godina zacrtani cilj, *Udruženje će i dalje kontinuirano pratiti sve događaje u BiH vezane za psihijatrijsku profesiju i adekvatno reagovati u svim slučajevima gdje procijenimo da treba spriječiti kršenja ljudskih prava korisnika psihijatrijskih usluga i profesionalaca u mentalnom zdravlju, različite vrsta ataka i pritisaka na psihijatrijsku struku, zloupotrebu psihijatrije od strane pojedinaca, institucija i medija i slično, a u cilju očuvanja digniteta psihijatrije kao struke i psihijatara kao stručnjaka za tu oblast.*

C. ZAVRŠNE NAPOMENE

UPuBiH se **zahvaljuje** svim svojim članovima na kontinuitetu članstva i svim novim članovima, koji su prepoznali našu pozitivnu ideju dobre promocije bosanskohercegovačke psihijatrije, ali i umrežavanja psihijatara u našoj zemlji, sa ciljem daljeg unapređivanja i naše prakse i našeg Udruženja.

Ovaj Izvještaj o radu UPUBiH biće **prezentovan** tokom Generalne skupštine UPUBiH u Banjoj Luci, 17. novembra 2017. godine i **dostupan** svim članovima UPUBiH na uvid i pregled na internetskoj stranici UPUBiH, www.upubih.com.

Prijedor, 31. oktobar 2017.

Prim. dr **Goran Račetović**

Generalni sekretar UPUBiH